

nini niyüşk gut gū na ltha yūk ga dit alth wagait laoi shin dilth wil-shashūwantk gulth giat ; ada al giaön ltha alüdā'antk ga dit ash ga na amāmtk gut ga,

27 Gū ltha anagush ga Shimoigiat ga Lakāga dum wilt wilaiyin na a'amwālsh ga n'lthaumshk ga dida niyüşk ga gwa ā shpagait lukshwil zakzogut, gū ninish Christa lühokshk ga dida gwashim, nabōishk ga di gish ga hoishk gaga :

28 Gūt shagou m'malth dumt, dup gwon dilgaushk ga tkāni giadit, ada dup shūwilaigamga tkāni giadit a tkāni gunwilgaushk gut, dup dum wil lūkhilimakhshin tkāni giadit dum whanahakhokshk ga dit ash Christ ;

29 Nini gun di hēkulū shagēlukhū niwālth ga wila halthalshit ga, gū gutgiadum lūhalthalsha didā goi.

CHAPTER II.

1 Awil hashagū ma dum shim wilai gushgou lūgou'unshk gū da gwashim, dilth hūwān dida Laodicea, dilth t'in wha ltha di lip nī zalūt :

2 Dum wil shagungadoulthk ga gagaudit, ā ltha wil shagait n'da doiyagult ga dit ā shiebunshk gut, dilth tkāni na a'amwāl wha yahoium gunwilaigilshit, dumt wil wilai na niyüşk gish ga Shimoigiat ga Lakāga, ninish Christ,

3 Gū wilū liyūdāsh ga tkāni na tausha gunwilgaushk gut, dilth gunwilaigilshit.

4 Hounū ā gwa, dumt wil wha hashā lukshgagaud shimt ligit nā ā naknogum algiagut.

5 Awil zō wagait dau na giadūt, ada al gup hokshk gū dā gwashim da haigut, lthgwisghū yū ada n'nī ama didau wila wāl shimt, dilth shga dhoiyuksha na shimhoudiksha shim gish Christ.

6 Gun nī na ma shim wila gāsh Christā ga Miyān ga, ninilth wila lūwāluksha shim ash niat,

7 Lūgahōsha shim, ada shamakshk ga shim ash niat, ada doiyuksha shim ā na gashimhoudiksha shim niwālda na wila shūwilaigiamuksha shimt, alth zūlth dhoiyukshim.

8 Am shim nī dum wil wha n'zā-oulsh ligit nā dā gwashim āwil homsh wilgaushk ga dit dilth gulbashum yāmgushk gut, niwālda na adāwuga giadit, dilth ashī lūgulpwāl halizogut, ada al ainash Christ.

9 Awilt niat ga wil lühokshk ga gup tka gushgoutk gish ga Shimoigiat ga Lakāga ā al tkāmaut,

10 Ada hanhontkgum lūhakhokshk ga shim gish niat, gū ga n'dumgousha tkāni mantagaugut, dilth gutgiadit.

11 Gū na wil gik di lū circumcise shimt ā circumcison wha zaba anont, āwil shamaksha na tkāmau shamet, ash ga na circumcisionsh Christ ga ;

12 A n'ltha wil shila wāwuksha shim gish niat ā baptismt, ada nini na wil gik di shila haldum bālth ga shim gish niat āwil shimhoudikshit ash ga wila halthalsh ga Shimoigiat ga Lakāga, gū nat in haldum maga dida wātē ga dida shpagait dūidit.

13 Adat nūshim, nha dūida da wil hadadak ga shimt dilth wil whati circumcisea na shame shimt, nūshim, daniyanū, gū nha shila sha dildōlshit ga dish niat, ā ltha wil gumgauda da tkāni na hadadak gumt :

14 A ltha wilt shagiamgish ga damishum aiyougushk gaga gū nat in ksh-hadagunum, gū na shgushgū dida gum, ada lthat shā gā dit ga ash ga tkuldāpungut gish ga guzāk ga ;

15 Ash ga ltha wilt lip shadalthash ga mantagauk ga, dilth gutlet ga, adat ālūgwuniazuntk ga, ash gut shaoiyuksh ga kshtiyāwuk gish dupniat ā gwiit.